

ANTIQUAE CIVITATIS

muniendæ ratio.

Verum si quando ciuitas offeretur, quæ tametsi eleganter exedificata sit, habeatq; turres ex lapidibus decenter constructas, & fossis denique aliisq; munitionibus cingatur non contemnendis, tamen huius tempestatis bombardis, bellicisq; id genus artibus ferendis, minimè sufficiat: hanc sanè non statim demoliri, & diruere conabimur, sed huiusmodi praesidio, contra præsentes bellorum iniurias confirmabimus.

Primò vniuersam ciuitatis fossam, aut qua ciuitas potissimum opus communitione habet, alia fossa circuibimus, quæ ab urbana ad septingentos pedes dissita, altitudine octoginta, latitudine ad fundum centum quinquaginta pedum ducatur: siquidem id loci situs que ratio permiserit. Ac quiq; uid terræ ex defoßione egeritur, secundū fossā ad ciuitatē in aggerē coaceruabitur. Deinde ex fossæ alueo murus attolletur, ad sui radicē viginti, sursum versum tredecim pedes crassus, qui introrsum quidem lineamento ad perpendiculum excitato, extrinsecus lineamento obliquo paulatim in aggerem recumbat. Ad hanc rem lapides quoq; in exteriore muri latere ita coaptandi sunt, vt in quadratis angulorum positus ad propensionem quandam reclinet. Hoc enim situ muro tantū roboris conciliaueris, vt superurgens terrestre onus obstinatē validēque sustineat. Muri huius altitudinem definiet supremum fossæ, cui incumbit, labrum. Porrò aggeris coaceruandi hic modus erit, vt terra ē fossa exempta inde à muro crasso versus urbanam fossam ad quadringentos vsque pedes condensatus, in sui medio, à reliquo solo in quinquaginta pedes excitetur. Deinde pauimentum aggeris æditius, ad centum quinquaginta circiter pedes versus fossam urbanam expansum, ad libellam æquabitur, quod murulo, qualis thoraci tutando solet astrui, subinde coercedetur, in quatuor pedes excitato. Ab hoc murali pariete terra redundans, in depressam planiciem quæ centum pedum ad urbana fossam relicta est, deuoluitur. Neque agger post thoracem, qua ciuitatem spectat, muro cōfirmandus est. Cæterum planities pro urbana fossa centum pedum laxitatē possidebit. Hoc enim modo effeceris, vt ante finitę septingentorū pedū longitudinis portiones singulæ iustā sibiq; competentē modū affequantur. Deinde à suprema muri crassioris ex fossæ alueo consurgentis margine, fulniculus ducentorum pedum, in medium aggeris pauimentum producetur, qui modum prefiniet soli à fronte circumquaque ad libellum coæquandi. Porrò huic deinde superficie, seu aggeri cōplanato ad frontē crusta inducetur ex faxis quadratis, affabré commissis, & secundum iuncturas compactis diligentius, vt sui positu angulosum situm exprimentes, appellantia missilia validē confuent. Atque hec crusta vel ex simplici vel duplice constabit quadrato, quò iaculatorum, vt plurimū hæc impotentium iniurias perferant constantius. Verum si quando lapis (id quod rarius acciderit) ad iaculi impetum subsequutus abripiatur, in facili erit statim alium in eius locum sufficere. Denique hæc profronde aggeris incrustatio, præ reliquo pauimento vt summū pedibus quatuor præ-

h iii surget,